



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xviiij Prisca Christliche Jungkfrau.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

gen vnd Wirkung viel dings gelehret/ Er hat die fromen Christen in der verfolgung der Arrianischen Secten / mit Göttlichem wort getröstet/ vnd in warem Christlichem glauben bestetigt. Tripar. lib. 1. cap. 1. Item lib. 8. cap. 15. Er ist friedlich gestorben 105. jar alt.

Ein anderer Anthonius ist gewesen/ Lisibonensis genandt / diser sol in Hispania den Saracenis das Euangelion geprediget haben/ Anno Christi 1200. Zu Padua in Italia/ ist er in einem herrlichen Tempel begraben.

Disen Anthonium betten die Papisen an/ für bewarung des wilden Feuers/ vnd daß er ihnen ihr Vieh / sonderlich die Schwein/ vor schaden bewaren soll.

Pri
D
xviij
Prisca.

Prisca ist ein Rhömische Adelige Jung-
fraw gewesen/ welche Christum vnd sein H.
Wort beständiglich bekandt / wider alle Ty-
rannen/ Endlich ist sie mit gräwlichen vnträg-
lichen plagen getödtet/ vnd in warer Christli-
cher beständigkeit vñ höchster gedult entschlaf-
fen/ Im jar Christi 273.

Priscus ist ein frommer Christlicher Man
gewesen/ welcher neben andern zu der zeit Va-
leriani im 259. jar Christi/ vmb beständiger vñ
freudiger bekandnuß Christi willen/ gräwlich
ist

ist geplaget/vnnd endtlich vmbbracht worden/
Eusebius lib.7.cap.12.

Jar nach der geburt Christi 180/vnder
Antonino Vero, hat sich zu Wien vñ Le-
on in Franckreich ein gräuwliche verfolgung
wider die Christen erhaben / Vnnd sonderlich
tobten die Tyrannen wider dise heylige Jung-
fraw Blandinam / Solches leynd sie mit wun-
derbarlicher gedult. In ihrer marter bekandte
sie mit freudigē gemüth/ Ich bin ein Christin/
vnd man kan mich keiner vbelthat bezeihen.
Sie ist zum offentlichen Spectakel auffgehen-
cket/ vnd die wilden Thier an sie geheket/sie zu-
zerreißen/Aber es wolt sie kein Thier Tyranni-
scher weiß berühren / darnach ist sie einem wil-
den Dchsen fürgeworffen/vnnd von demselbi-
gen gräuwlich gestossen/ aber doch beym leben
behalten / Endtlich haben die Henckers buben
sie selbs ermordt. Eusebius lib.5.cap.1.

ca
C
rix
Blandi-
na.

Fabianus ist ein Christlicher Römischer Bi-
schoff gewesen/ welcher in beständiger erkant-
nuß Christi / vnder Decio dem Tyrannischen
Römischen Keyser ist getödtet worden. Euse-
bius lib.6.cap.21.29.

Fab.
F
xx
Fabian/
Sebast.

E iiii ¶ Seba